

Na osnovu člana 29. stav (1) Zakona o lokalnoj samoupravi – prečišćeni tekst ("Službene novine Kantona Sarajevo", broj 22/00), te čl. 55. tačka 1., 118. i 121. Statuta Općine Ilijaš – prečišćeni tekst ("Službene novine Kantona Sarajevo", broj 20/09), Općinsko vijeća Ilijaš na XXIV sjednici održanoj dana 30.10.2018. godine, donijelo je

O D L U K U
o izmjeni i dopuni Statuta Općine Ilijaš - Prečišćeni tekst

Član 1.

Ovim Odlukom vrši se izmjena i dopuni Statuta Općine Ilijaš-Prečišćeni tekst ("Službene novine Kantona Sarajevo", broj 20/09), koje glase

"Član 91." se mijenja i dopunjuje:

Stav (2) – se mijenja i glasi: "Savjet mjesne zajednice saziva forume građana mjesne zajednice u cilju konsultacije s građanima i dobijanja prijedloga prioriternih projekata iz različitih oblasti".

Isti se dopunjuje stavom (3) i glasi: "Način sazivanja zborova i foruma građana, način rada i odlučivanje, izbor predsjedavajućeg zbora građana, bliže se uređuje statutom mjesne zajednice".

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj: /18
Ilijaš, 30.10.2018. godine

Predsjedavajući OV-a Ilijaš

Mahir Dević, prof.

O B R A Z L O Ž E N J E

Pravni osnov za donošenje ove Odluke definisan je u člana 29. stav (1) Zakona o lokalnoj samoupravi – prečišćeni tekst ("Službene novine Kantona Sarajevo", broj 22/00), te čl. 55. tačka 1., 118. i 121. Statuta Općine Ilijaš – prečišćeni tekst ("Službene novine Kantona Sarajevo", broj 20/09).

Razlozi za Prijedlog izmjene i dopune Statuta Općine Ilijaš ogledaju se u sljedećem:

Po održavanju sastanka održanog dana 18.09.2018. godine na kojem su prisustvovali predstavnici Švicarske agencije za razvoj i saradnju SDC i općinski načelnik općine Ilijaš, a u cilju unaprijeđenja dokumenata i propisa vezanih za mjesne zajednice, postignut je dogovor i donesen Zaključak da se predlože izmjene Statuta Općine Ilijaš u članu 91., kako je to i predloženo u predmetnoj Odluci.

Dana 15.10.2018. godine Stručna služba OV-a i općinskog načelnika zaprimila je akt Švicarske agencije za razvoj i saradnju SDC, Ref:BiH 10/00090164-MZ od 10.10.2018. godine na koji je općinski načelnik općine Ilijaš dao saglasnost da se pristupi naprijed navedenoj izmjeni i dopuni, koji Vam dostavljamo u prilogu ove Odluke.

Shodno naprijed navedenom predlaže se OV-u Ilijaš da usvoji Odluku o izmjeni i dopuni Statuta Općine Ilijaš - Prečišćeni tekst, kako je i predloženo u Odluci.

PREDLAGAČ
Općinski načelnik

Akif Fazlić, dipl. ecc

Predmet: Prijedlog izmjene Statuta Općine Ilijaš

Koristim ovu priliku da vam se zahvalim na dosadašnjoj saradnji ostvorenoj kroz realizaciju projekta "Jačanje uloge mjesnih zajednica (MZ) u Bosni i Hercegovini".

Nakon našeg sastanka održanog 18.09.2018 godine, a u cilju unapređenja dokumenata i propisa vezanih za mjesne zajednice. Cilj nam je institucionalizirati dobre prakse koje je uspostavio ovaj projekat s partnerskim mjesnim zajednicama. Institucionalizacija bi omogućila dalje širenje dobrih praksi na sve mjesne zajednice u općini Ilijaš, a što bi vodilo ka unapređenju rada savjeta mjesnih zajednica.

Uzimajući u obzir da je Forum kao oblik konsultacija s građanima imao izuzetan uspjeh u partnerskim mjesnim zajednicama i omogućio uvid u potrebe iz različitih oblasti ljudskog djelovanja, nameće se potreba institucionalizacije Foruma. U skladu s dogovorom i zaključkom našeg zajedničkog sastanka, predlažemo izmjenu Statuta Općine Ilijaš u članu 91. kako slijedi:

Savjet mjesne zajednice saziva zborove građana mjesne zajednice radi raspravljanja o određenim potrebama i davanje prijedloga za rješavanje pitanja od mjesnog značaja.

Savjet mjesne zajednice saziva forume građana mjesne zajednice u cilju konsultacije s građanima i dobijanja prijedloga prioritetnih projekata iz različitih oblasti.

Način sazivanja zborova i foruma građana, način rada i odlučivanje, izbor predsjedavajućeg zbora građana, bliže se uređuje statutom mjesne zajednice.

Dakle, naš prijedlog je da se član 91. dopuni jednim stavom, te da se stav 3 koji je u postojećem Statutu stav 2, dopuni s riječi forum (prijedlog izmjena označen boldirano iznad).

Za: gosp. Akif Fazlić, načelnik

Općina Ilijaš, kabinet načelnika

Tel/faks:033/580-620

PROJEKAT JAČANJE ULOGE MJESNIH ZAJEDNICA U BOSNI I HERCEGOVINI



Schweizerische Eidgenossenschaft
Confédération suisse
Confederazione Svizzera
Confederaziun svizra



Švedska
Sverige



Empowered lives.
Resilient nations.

Švicarska agencija za razvoj i saradnju SDC

Dodatno smo analizirali i primjetili da frekvencija zborova nije definisana statutom općine, nego se ostavlja da se statutom mjesnih zajednica definišu detalji. Stoga bi nakon usvajanja predložene dopune Statuta općine, predložili dopunu Statuta mjesnih zajednica kojom bi sugerisali definisanje minimalnog broja foruma u toku jedne kalendarske godine i korištenje MZ metodologije razvijene u toku projekta.

Navedene potrebne izmjene bi omogućile unifikaciju rada mjesnih zajednica, bolji uvid općine i u potrebe stanovništva svake mjesne zajednice, kao i plansko usmjeravanje projekata organizacija civilnog društva u područja iskazanih prioriteta. Nakon usvajanja Foruma i MZ metodologije, ovaj projekat bi pružio podršku općini u edukaciji predstavnika svih mjesnih zajednica za fasilitaciju i održavanje Foruma.

Ukoliko imate dodatnih pitanja, budite slobodni da nas kontaktirate. Radujemo se nastavku naše saradnje i uspješnoj implementaciji projekta "Jačanje uloge mjesnih zajednica (MZ) u Bosni i Hercegovini" u najboljem interesu građana Bosne i Hercegovine.

Majda Ganibegović

Voditeljica projekta/glavna stručna

savjetnica